

مجموعه سنون

۱۸

جمعیت علمیه عثمانیه

در این کتاب مجموعه اشعار و نثرات
معارف و ادبیات و غیره
مجموعه علمیه عثمانیه
در این کتاب مجموعه اشعار و نثرات
معارف و ادبیات و غیره

نجمی پناه

نومرو ۸

ماه شعبان

در این کتاب مجموعه اشعار و نثرات
معارف و ادبیات و غیره
مجموعه علمیه عثمانیه
در این کتاب مجموعه اشعار و نثرات
معارف و ادبیات و غیره

استانبول

وزیر خاندان ارزنجانلی اوغلو میانسبان آرین

مطبعه سنده طبع اولمشد

۱۲۷۹

خلق انشا و کتابت اصولی تعلیم ایتک مقصدیله تشکل ایتامش اولدیغی اکلاشیلر جغندن بو صورتده اسم ایله مسما نصل توفیق اولدیلولو کتابت تعیرندن مراد فرانسیزجه (لیترر) لفظنک ترجمه سی

ایسه اولخالده دخی جمعیت ادیده دینک دهها مناسب اولرمیدی ثابیا مذکور غزته ک اسمی اولان (مجموعه عبرانتباه) ترکیک صحنده اشتباه حاصل اولوب شویله که عبر ایله انتباه کلمه لری وصف ترکیبی مقامنده استعمال اولمش ایسده بوتک قاعده فارسیه توافیق ایدمه جکی درکار اولوب فقط کتابت عنوانیه معنون بر هیئت جمعیتک میدان قویدیغی ایلاک اثرینک تا اسمنده بویله بر خطا ارتکابی دخی بعید الاحتمال اولدیغندن مذکور ایکی کلمه بیننه برواو عاطفه وضعندن سهواً ذهول اولمش اولسی ملحوظدر

شو ملاحظات عاجزانه من مجرد دفع اشکال نینیه یازلش اولدیغنی تأمین ایله برابر هر حالده جمعیت کتابتک عفوینی رجاو من بعد مقصد مشترکک حسن حصولی حقه معاونت و مظا هر تنی تمنی ایدرز

(منیف)

(خلاصه پویلیقیه)

(فرانسه)

بو دفعه مجالسک حین کشانده ایمراطور طرفندن ایراد قلمش اولان فقط رسمی ماه حال وقوعات مهمه سندن اولوب حی اوروپا غزته لری بویاده خیلی افکار و مطالعات بیان ایتشالدر نطق مذکوره فرانسه ک

زمان آتیده اتخاذ ایدم چکی مسلك پولیتقه دیه دائر بر شی اولیوب انجق مدت مدیده دنبرو حل و تسویه سی منتظر اولان بعض مسائل تو ضیح ایدر صورته احوال ماضیه تحکیه و تذکار قلمشدر نتیجه ماله کوره ایمپراطور مشار الیهک پولیتقه سی ارباب اختلال ایله همدست اتفاق اولماق و پایایی دخی الدن بر اقامق شرطیله ایتالایی تصرف اجنبیدن تخلص ایلکدر ایتالیا لوزک املی دخی ایتالیا نك کاملاً برلشمسی اولوب بونك حصولی ایسه پاپانك حكومت جسمانیه حقوقدن بالکلیه کف یدایتمسند متوقفدر ایمپراطورك ارباب اختلال تعییرندن مرادی ایتالیا مسئله سنده معاونت فعلیه لری کوریلان فرقه اولوب حالبوکه فرقه مزبوره بدایت محاربه دنبرو و یقتور امانوئل اغورنده مال و جان فدا و ناپولی قطعه سنی دخی بونلر ضبط و اسنبلا ایتمش و البوم و نديك ایالتی اوستریا دولتی یدندن نزعه چالشقمده بولنمش اولدقلرندن اشبو فقره نك بعض ظنیات متخالفه تگونه باعث اوله جغنی درکاردر نطق مذکورك مکسیقا مسئله سنه دائر اولان فقره سی بعض مرتبه مهم اولدیغندن بو بابده وکلا طرفندن مجالسه ایضاحات و یریله چکی مأمولدر ایمپراطور نطق مذکورده فرانسه اهل البسنك هنوز کند و ذاتر یله قائم یعنی دولتك اعانه سندن مستغنی اوله جق بر حالده بولمخدقلرینه تأسف ایله برابر پموغك ندرتسندن ناشی دوچار مضایقه و اضطراب اولان عمله یه توزیع اولنمق اوزره طرف دولتدن اچمه تخصیص اولنمسنی مجلسه تکلیف ایتمش اولدیغندن بعض غزله اولوجهله اهلیدن جمع اولنه جق اولان مبالغك دفع احتیاجه کافی اولوب اولدیغنی هنوز یله مدکدن بشقه طرف دولتدن بو مثلاً و یوایکانه اچمه توزیع و اعطاسی اصحاب قنونی اجرای فعل خیردن تبرید و هر بر ملت افرادینك یکدیگر

یکدیگرینه واسطه ارتباطی اولان تعاون و تظا هر قاعده سنی اخلاص
ایده چکنیدن بختله تدبیر مذکوره اعتراض ایتش لرد در فرانسه اهل بسندن
لوندرو سر کپسند اشبا وضع اید نلره خطابا ایمپراطورک تفوه ایتش
اولدیغی نطقده انکلتزه اهل بسنک متمتع اولدقلری اصول سربستی بی
فرانسه لولره دخی اعطا ایتک امل و ارزوسنده ایسه ده بونک اجرایی
عدم وفاقلری جهتیله مصالح دولتک حسن جریاننه مانع اولان بعض
فرق مخالفهک اضمحلاننه متوقف اید و کندن آکا منتظر اولدیغنی
بیان ایشدر

— ۰ —

(انکلتزه)

انکلتزه پارلمنتوسی الافرانقه شباطک التجی یعنی ماه حالک اون طقوزنجی
کونی کشاد اولنوب قرائحه حضره لری حاضر بولنه مدیغندن طرفندن
ایرادی معتاد اولان نطق رسمی بی وکلادن لورد غرانویل وکاله
قرائت ایشدر نطق مذکورک خلاصه مالی پرنس دوغال ایله دایمارقه
قرائتک کریمه سی پرنس الکساندرانک ازدواجلری مقرر اولدیغی
و مخدوم لرندن بریسنی یونانلور کندولرینه قراال انتخاب و اتخاذ ایتک
استمشلر ایسه ده معاهدات موجوده احکامی اشبوا مللرینک اسعافنه
مانع اولدیغندن موافقت ایده مدیکی و جزائر سبعه جمهوری یونانستانه
التحاقی استر ایسه جمهور مذکورک انکلتزه تحت حایه سنه ادخاللری
حقنده ۱۸۱۵ سنه میلادیه سنده دول معلومه یننده منعقد معاهدهک
تعذیلچون تدایر لازمه بی اتخاذ ایده چکی و امر یقا ممالک شمالیه
و جنوبیه سی میانه سنده تگون ایدن محاربه دن طولایی بیان تأسقله
شمیدیکی حالده بر حسن تأثیری کوریه من مطالعه سبله بونک استحصال

اسباب اندفاعنه تشبیدن احتراز ایلدیک و محاربه مذکوره مناسبه
 بموغل ندرتندن ناشی ایشسن قلان عمه گروهی حقهده اهلای طرفندن
 وقوعبولان اعانه موجب ممنوعیت اولدیغی و امر تجارت مر کر لایقده
 اولوب بر قاندها توسعنه مدار اوله جق بعضی شرائطی حاوی فرانسه
 و بلجیکا دولته لایله تجارت معاهدات جدیده سی عقد اولدیغی
 خصوصاً لرندن عبارتندر

جزائر سبعه تک یونانستانه الحاقی لقر دیسی اوزرینه جبل طارک دخی
 اسپانیاه ترک اوله جخی حقهده مؤخرأ انکلهزده بعضی مقالات تگون
 ایدوب حتی پارلمنتو اعضا سندن موسبو برایت بوکا دأر اهلای طرفندن
 عقد اولان برجه عیته ریاست ایدرک موقع مذکورک انکلهزیه بر فائده سی
 اولدیغندن بحیثله اسپانیاه ترکی یک مناسب اوله جغه دأر چوق سوزلر
 سویلشدراشبو ماده مسائل پولیتقیه عدادینه داخل اوله جق درجه
 کسب اهمیت ایتش بر شی اولوب مجرد شو اشاده وقوع شوعنه مبنی
 تحریرینه ابتدار قلشد و کلاهی معزوه دن اسورد دربی و طرفدارانی
 جانبدن یونان مسئله سی حقهده لود پالمستونک اتخاذ ایلدیکی مسلك
 علیهنده تعریضات شدیدیه وقوعبولقده در

— ۵ —

(لهستان)

لهستانده اتش اختلال کونکون کسب اشتداد ایدوب چونکه
 مسئله تک ابتدای ظهورنده بالکز طلبیه و عمه طایفه هوادارلری اولان
 سرسری گروهی عصیانده بولدیغی حالده البوم اصحاب املاک
 و تجار و اهل قرا و حتی رهبان گروهی دخی انزله ملحق اولقده
 و شراره فساد لهستانک هر طرفه سرایت ایتکده اولدیغندن عهد
 قریده

قریبده اورا رجه امن و اسایشك اناده سی امید اولنه من له اولوك
اسلحه سی غیر منظم و کندولی غیر معلم ایسده دانا جسور و جنگاور
بر ملت اولدیغدن کمال شدت و تهور ایله محاربه ایتمکده درل له ستانك
بعض محاربه بونلر علیه سوق اولنان روسیه عسکری مأمول
اولدیغی قدر ایش کوره مبوب شو حال اولوجهله له اولوك مفارمت
دلیرانه سندن ناشی ایسده اهلینك احوال پرملارینه ترجا عسکرک
زیاده شدت کوسترمکدن اجتناب ایلاری دخی ملحوظدر مقرر حکومت
اولان وارشاو شهریه دیگر بیوک شهرلر اهلایسی ممکن اوله ییلدیگی قدر
محاربه ایدوب مقاومتدن قطع امید ایلدکلری حالدده اورمانلره فرار
و التجا ایتمکده و فرصت بولدیغجه ینه میدان چیمقدده درل شمدی یه
قدر وقوع بولان محارباتك اکثریسنده روسیه لول غلبه ایتش ایسه ده
له لول دخی خبی مظفرینه نائل اولوب پك چوق ادم اسیر و اسلحه
ضبط ایلسلردر

پروسیا دولتی روسیه نك جار ملاصتی اواق و همده له ستانك بر جزو
عظیمی تحت تصرفده بولمق حسبیه اختلال مذکورک کندوممالکنه
دخی سرایتندن اجتناباً بو دفعه روسیه ایله اولبا بده بر معاهده عقد
ایدوب بونک ساوی اولدیغی شروطك باشلیجه سی دخی پروسیایه فرار
و التجا ایدو جك له عصاتی حقنه نوجهله معامله اولنمسی و حین
حاجتده پروسیا دولتك روسیه یه معازت فعلیه اجرا ایلمسی
خصوصلرندن عبارتدر

ایتالیاده شایان تحریر بر شی یوقدر رئیس و کلا بولنان موسیو فارینی
هر نه افکاره مبنی ایسه روما مسئله سنی شمدیلک حالی اوزره ترك
ایلسدر داخلیه ناظری موسیو پازولینی دخی براز وقتدنبرو ناپول ایالنده
ظهور ایدن حیدود کروهنك بالکلبه دفع کیدومضرتلری اسبابك

استحصایله اشتغال ایتمکده و بونک ایچون مخصوص تشکل ایتش اولان مجلس خفی دخی مقصد مذکورک حسن حصوله سعی و اقدام ایتمکده در

روماده پایا حضرتلری بعضی اصلاحات داخلیه اجرا سنه تشبث ایتش ایسه ده شمعی یه قدریک چوق امثالی دلالیه معلوم اولدیغی اوزره اشبو تشبثات مجرد صوری و بی اساس شیر اولوب مملکت حقنده بر فائده بی منتج اوله میده جغنی مجر و مدر

ممالک مجتمعه امر یقاده دخی شو ائنده باشلیجه وقوعات حربیه ظهوره کلامشدر شما اولرک باش قوماندانی بولنان بورن ساید فریدریقس بورغ محاربه سنده وقوعه کلان انهرامی اوزرینه عزل اولنمشدر

یونانستان قرالغی حالا تقرر ایده میوب فقط مقدم موافقت کوسترمش اولدیغی روایت اولدیغی حالده مؤخرأ نکول ایتش اولان ساقس قوبورغ دوقه سی پرنس ارنست ینه دوقه لخی عهده سنده قالمق شرطیه بود دفعه قبول ایتش اولدیغی مرویدر

پروسیاده مجددا تشکیل اولنمش معبوثان ملت مجلسی دولت طرفندن تنظیم اولنمش اولان موازنه دفتری قبول ایتدیرک بو خصوص حقنده و کلانک وقوعه کلان حرکتی قونستیتسیون یعنی شرطنامه احکامنه مغایر اولدیغندن موافقت اولنه میده جغنی مشعر قرال حضرتلرینه خطاباً بر قطعه عرضحال تنظیم و مجلس مذکور اعضا ساندن بعضی ذوات واسطه سیله تقدیم ایلشدر ایسه ده مشار الیه بونک اخذ و قبولندن اسنکاف ایتش و اصیلزادکان مجلسی مذکور عرضحالک خلا فنده بر عرضحال تنظیم ایتک اوزره بولنمش اولوب بو جهتیه هیئت و کلا الیه ملت مجلسی یلینده تگون ایدن مبیانت و اختلاف ده ا زیاده مشتمل اولوب بونک بالسعوله اندفاعی غیر مأمول بولنمشدر